

樊山全集

上海廣益書局印行

樊山

樊山續集卷二十四

恩施樊增祥嘉父

紫薇三集

起乙巳十月
訖丙午十月

夜坐

地衣五色印成花
顛裏香枝一穗斜
酒惡更思霜後橘
樹凋全見月中鴉
無花未便風情減
有鏡何嫌目力差
為嚙華池貪暝坐
無聊試學養生家

寒夜俳諧體

譙門畫鼓已三敲
倦聽茶鼓半夜潮
爐取微溫方適手
帶非甚緩不宜腰
空心硯滴中無水
罩眼琉璃上有橋
試取茸裘較分數
羔羊程度淺於貂

湘綺先生游喜喜贈

金山漫詫滕元發
唐殿驚逢李拾遺
道莫能容纔可大
老猶得見未嫌
進高名彈壓三公貴
正議分明百世師
孔子西行終不到
秦人今始識音儀

湘綺先生小住五日意將登華而歸賦詩惜別

乘興西游入武關
絳雲舒卷意閒閒
去從漢水浮湘水
來為樊山與華山
舉酒水曹梅樹下
題詩玉井藕花間
誰知京兆街頭客
五日匆匆走馬還

香瓣南豐是我師
東街何早見何遲
津梁雖倦情難盡
昂昂孤行意可知
老鳳文章逾藻耀
神龍首尾望迷離
他年續刻題襟集
添取西京掌故詩

送懋翁司權鳳翔

東湖風景似西湖曾見髯仙再至無

公嘗守鳳翔

今日分携十學士

謂學務處尹仲錫程戰傳吳敬之仇涑之楊吟海吳少蘭黃肇青蔡師愚張衡

玉秦明年消領萬紅英禁殺鶯粟新增稅勸種魚菱薄取租竹馬兒童認顏狀依然前畫醉翁圖

流水高山抱古懷牙琴莫嘆賞音乖魯瞻惟有靈光峙漢雋無如曼倩諧驛騎往來送詩札鞦韆上下

喻官階

公守西安余為渭南令及余陳果而公守同州

野王二老依棲入祇覺關中氣色佳

次韻和湘翁仲冬九日宿華陰嶽祠

銅仙拭鉛淚玉女迴青要自違謫仙人邂逅復今宵庭軒炳椽燭早樞騰華鏤言安五龍寢遂啓七客

寮夜起望明星

峰名

一碧與天高西峰躍寒瓦積雪明松喬赫赫金天神冬至將大郊勿徒訪琴姜為賦

碩人教

午詒遊華山歸同子復枉過夜話因贈

謝家羣從盡翩翩大謝來過挈惠連名業真如東出日法書能補右流天

蘭亭損本缺羣纔瞻秋隼三帶右流天五字

峰頂記掣金轡七載前玉井蓮花君舊物

蓮花勝眼

歸來遺我藕如船

冬日池上

自披風帽俯冰池照我須眉復在茲詩到古人不到處愁生春水未生時山頭積雪松猶健樓上迎暄

柳未知夢綠邇來消信少好憑驛使寄橫枝

宋人有貧樂圖詩三首皆佳戲和其韻

老翁白頭方著書斷簡剝落青漆膚兒就燈讀母作孺學書自詫王豹奴

平居不草封禪書得妻花貌冰雪膚憎鼻即是兒央孺婦翁勿矜八百奴

秀才短視夜讀書石蓮去心仍帶膚自起煎茶火燎襦笑罵若者酪之奴

再和前韻

大兒聰明讀父書小兒黃領白玉膚燒粟互讓承以襦火攻何敢同阿奴
典琴時時購異書青氈夜夜親肌膚甯飢無粟寒無襦不為平陽公主奴
荆妻覓線裝舊書嬌兒食橘忘剝膚興來鈔詩滿袍襦楚騷直命之曰奴

三疊前韻

平生恥作乞米書大雪晝卧凍裂膚一縑不受冬少襦終不屈身陶胡奴
夜賒鄰酒佐讀書地爐活火燒松膚絮衾上覆短布襦獨睡不解溫錫奴
夜思古事繡破書凍飲麤汁清毛膚短衣怕著裘與襦目中何有三賢奴

余論詩專取清新以為古作者雖多於詩道固未盡也賦此示戰傳午詒

句律原參造化工兩間風景信無窮若無鹽豉蕪何味為有梅花月不同略取蜀薑生辣意定須越紙
熟槌功今當萬事求新日故紙陳言要掃空

寒夜疊韻簡午詒

吾廬藻繡復綸連睡蝶醒來影尚翩燈盞自明無月地
用呂吉甫
答荆公語梅瓶剛及試花天詩心馬上和牀上
茶品明前又火前為報晚雲濃釀雪紅氈重坐暖金船

寒夜寫懷

寒罌三打夜蕭森髻脚吳霜稍見侵芒角有時生酒後黛螺何處染情深
見宋
詞盞花水足波生臉程燭
紅深暖到心至竟未除游俠氣十年銷盡幾鍋金

北臺空室

鳴鵲風急小寒天俯仰闌河一概然滕六以雲為釀具樊川將水換桑田樊川曲江今皆闕為良田九達馳驟金車耳雙塔依稀玉馬鞭惟有南山不改色時時青到酒杯前

叔帥用前韻見贈並懷湘綺三疊韻奉答

雲際消搖一鶴翩望中紫白兩峰連不衣自暖春風座有酒消寒小雪天威鳳羽儀雙闕下老梅輩行百花前故人歸聽瀟湘雨港曲煙深一釣船

四疊韻書感

三神離立望之翩自惜東夷有少連摘馬最思南牧地陽烏難拗左旋天桑生於海今非古薪積如山後在前時事悠悠人意懶風潮休撼米家船

倒疊前韻

風波不到米家船蓮炬何勞導我前國際儘多中立地箇人都入自由天白雲可贈無宏景碧落難窮笑目連何日東歸訪黃鶴羽衣吹笛任飄翩

疊北臺韻

飲啄飛鳴且信天蒼官歲晚意蕭然祇愁晚達妨賢路略識人情是聖由深避北風花入幕更通南埭竹行鞭時流輕薄吾何恨四傑文章勃在前謂湘綺

東園五疊韻

索笑巡檐帽影翩物華隨地可流連苦茶後有甘甜意暖閣中無凜冽天黯淡冬山呈馬耳侵凌凍草茁車前斜簷散髮平生願縱著貂裘不上船杜詩注以船為衣領

昨押奴韻用奴僕命騷語戰傳以為過賦此解嘲

騷經萬古詞人祖奚錦安能軋楚風且可狂言沿杜牧亦如險韻趁尤侗懷裏二主恩俱薄景宋諸賢
道益窮若三閩作僕宋玉輩將為興臺矣 楚國蘭芬稱絕代獨高位置選樓中

曉起寒甚六疊韻

拂曉南簷蟲羽翩風姨霜女互鈎連手營寒素千間屋時方擴充各學堂 胸有陽和一種天山似酒人眠醉後
雪如文勢蓄題前聚星堂裏饒佳客莫憶清溪訪戴船

池上七疊韻

牆東緩步角巾翩默數苔痕屐齒連此水聊當地中海一冬暖過嶺南天人情樂與雞為口宦興慵如
馬不前更待池冰膠似鐵小兒來放自行船

冬暄一首八疊韻

冬暄如綺相鳥翩照映紅檐雁齒連暖熱似依南極地零涼未是北門天遠迤橋信來霜後纒藉梅心
破臘前朝邑新來報冬汎三河不見打冰船

日來陰曠多風九疊前韻

九英花下綵幡翩屋裏金鱸品字連近得茶團思雪水藍老遠寄佳茗 昨因月暈識風天鏡容寫我猶年少詩
景無他只眼前簾外奇寒簾裏煩精廬宜稱小如船

長至朝罷與戰傳敬之共話十疊前韻

景風初至戰衣翩桓府珣超遞接連美酒羔羊三四日用蘇詩 香煙龍雉九重天功名退讓甘人後機鑒
通靈賈事前又是一陽來復候濟川努力渡頭船

六十自述

五十之年又十年晚晴猶是渭南天守中祇覺人皆智從事誰云我獨賢鈞黨李牛銷水火性情安豹
贈韋弦寶僚推獎言皆過真率無如自壽篇

七品何來獬豸冠多緣 君相獎孤寒教參龍武新軍事蓋署麟臺舊史官弦上誰知為箭苦牀頭未
覺捉刀難二年丹鳳城東住贏得琴樽續古懽

斗起煙塵

輦轂間戊庚妖亂互迴環魯連欲蹈無東海遽環微行有近關黃蠟十九猶北寄

奉重變起先從

上府主四十餘隻出京後猶屢書啓事

紅燈一路照西還兩家平善由天幸

姊家同行馬上閒吟看華山

西幸金輿入建章紫微今始用君房房喬果以能謀進陸贄偏於典誥長當國二公同患難回 天數

語繁興亡

詔書切責誅戎首辣手袁絳漫比方

託跡高奇不耐官白衣李泌自蕭閒了無差直恩仇意焉識桓公喜怒顏將士指揮帷幄裏公卿成就

齒牙間誰知存魯平齊客五柳東頭獨掩關

廬鳳艱危出備兵

慈甯宮裏詔留行旁參十國和平局更定三司制置名時論虛稱唐內相王程不

出漢西京玉鐫

天子私人印箇是儒臣意外榮

鳬駕飛翔上柏臺中間超越五重階繡衣入謝仍溫諭新政提綱亦硬差

時仍兼政務處提調

驟陟崇高知過分

多蒙謗議轉銷災同時多少栽花伴顛倒王郎手版來

金幣和戎歲有差臺符霆迅復馳驅民饑已苦窮無告

國計當思久可持關內徭錢重定額河東池

引薄增釐封樁百萬皆新帑取辦朝宗眾不知

余兩為布政藩庫歲增的款百餘萬

大好湖山愛浙西

君王特敕許量移蘇隄柳眼青相待儉府蓮花喜可知

四詩榆園藍洲兩君入幕

紅葉好褰衣

平錦樹綠波擬石放生池 紫宸殿裏朝天畢到及觀濤八月時

師弟聯辭謁 紫宸卅年門館受恩身自親
杖忘寒暑重話滄桑雜笑瞋指數賢
好陳伯玉調停新
舊范純仁經年痛飲宣南酒
奪我西湖又入秦

重臨關輔備藩宣百吏行冰嶽
雪寒節度祇今三易帥國門不出
兩邊官上台總有陳雷契據屬都
同
舊雨看滄海橫流滿天下長安八
水獨安瀾

馬上飛騰鬢髮青十科前已盛虛
名循良文苑慚中立筋力風情敵
後生千古名言信運氣曾文正語
一生
學術近人情渭南伯有神明壽坐
見蓬萊海色清

十一月二十九日寄懷相綺是日為先生生日

月頭月尾兩凋弧西華南衡道不
孤滿馬嶽雲出關去一帆湘雨到
家無來將芝草酬黃綺歸有梅花
壽老通天地次寥松柏健雅輪夫
豈異人扶

九月廿一為穀帥生日越二十日而竹帥生又二十日而增祥生賦呈兩帥一笑

進退

四十日中迭稱壽亦如隔八應黃鐘
差排甲乙剛勻稱攬揆庚寅小異
同共作一龍頭腹尾洪北江六言詩三人始為一龍言事非獨力能辦也
合為三友竹梅松何如文富同居
洛君實叨陪末座中

以龍井葉饋雲生有詩報謝次來韻

養生常毀茶飲多苦脾冷客來自
浙西貽我以龍井清詩由此出雅
耆豈能屏黜入白定甌綠光照衣
領想見發漢皋火車載而騁珍重
襲素鐵謹嚴速紅綬淪以通濟泉
如持湖亭四色淡意轉濃味腴香

且永獨飲復誰共數之得八餅惠
過酒一瓶意同票五秉華清有佳
人伴此團月影病足不下牀閉門

謝朝請徘徊苦後甘積漸入佳境
暖閣鳴松風銀波瀉壺嶺林子中詩壺嶺共傾銀壺水
昨夜雪在竹紅爐熱力猛

崔古發香清龍頭得句整陶家冷
生活可以傲貴幸新詩二百言淡
遠出明靚和君白雪詞取辦在俄

頃何當同夜話者燈紫微省

雪中八首和何方伯

始見今年雪清朝掩戟門倚天松鍊骨入地麥盤根世重王侯臘春濃草木恩橫枝方有喜溫伯自無言

菜
醞釀天心苦陰雲闇復開艱如酒求麴喜見玉含胎青鳥朝方至飛瓊夜始來雲旗擁王母環珮降蓬萊

天地何空濶江山想混同門龍停海上歸鶴話遼東未復田疇綠聊遮戰血紅 三陵稱雪瑞長此洗松蟲

霸柳回青眼秦山也白頭人心每憂早吾髻不知秋紅積十年粟雲舒萬丈裘河山仍鏡裏奇絕帝王州

清晨過學塾踏雪試諸生

是日試高等學堂

巾卷承花濕茶煙隔竹清鴻毛想風力飄葉靜春穀官屬皆何阮

吾衰慚主盟

高閣憑臨久層城氣象華吏監三廠粥兵掃六街花路滑稀乘馬廳寒早散衙詩心共花發誰與鬥興

又
閒日思閒事書窗倒好嬉酸甜甜煙幾蠟清濁酒雙鷗暖客羞生菜天瓶供折枝籬頭吹簞葉狡獪是風姨

以我樊山集契君冰雪腸

方伯原詩為雪窗讀樊山集作

筆興刪冷字

余詩不喜解澀

錦地愛明光豔養芙蓉粉寒驅厚朴湯

興來如訪戴不用剡溪航

臘日花匠進鰲蟬水仙數頭憶正月作詩縱一羅預耳感賦

趁逐春燈無幾時，爬沙重見玉交枝。世間偏是無腸子，會日常多少別離。

玉質金相得聚頭，花魂了不辨春秋。近來更有梅花鰲，逸致橫生湘綺樓。士老近詞有更有梅
花鰲之鰲蟬之句

除日早起午詒送一詩來即次其韻

誰為通仙補憶梅，露寒深費阮郎才。昔人憶梅云擬作通仙寄
內詩時午詒姪人將至滿城歌管先春動，萬里瓊瑤掃雪開。前

大雪臘甕自甯諸葛，菜歲盤重暖尉遲。杯詩心欲共穠花，發明日明年羯鼓催。

乙巳除夕寫懷

年前三白吏民權，柏子香中薦臘盤。二十二年今夜燭，照人十九在長安。余八閏後二十二除夕惟
已丑在鄂庚寅已亥在京

六十平頭白馬生，三邊遠踐紫薇廳。當時花縣鳴琴侶，起視東方幾曙星。

一從注牒去承明，朝列多聞嘆惜殷。楚國蘭芬稱絕代，強拋著作事功名。

秦風板屋氣如雲，跳梁緣樟待策勳。須信將門終出將，老年來此領新軍。

諸子同爭日月光，董生能以一言亡。二千年後思周道，第一功名在學堂。

雅流多視簿書輕，案牘來時只署名。試數古今朱墨手，惟應蘇綽稱台衡。

滄海橫流直到今，操舟欲濟阻重深。諸公莫復爭鈎黨，新舊都同愛國心。

遼東半島洗兵塵，十部星羅用重臣。天下太平從此始，吾皇三十二年春。

丙午元旦

丙午生人逢丙午，春王正月頌春王。讀書識字從頭起，運水搬柴作計長。彈家以搬柴運水為真實事
案今方講求實業故以為喻

五福首先論壽富，百花次第吐香光。勾除六十年烏兔，百葉重題第一行。

元日午詒見過持除夕八詩去尋即和示疊梅字韻奉答

東南日映九英梅醞藉承明侍從才出謝朱衣雙吏引歸看木筆一花開千官漫刺投諸甕四海狂瀾渡以杯見說春回人日後西園芳信要詩催

元日次房前輩謝余饋藥次來韻

君患瘡得藥後自言安睡竟夕

重看宜春苑裏春芳情勝氣與年新螭頭同下朝元拜鳥爪剛投蚌後身美睡麝皮從呂授令詞羊古賀韓貧願回涕上看山眼巡視周南舊吏民

君甫自山東回陝

受軒和元旦韻再賦

風調無如大蘇氏雪晴能唱小秦王

蘇詩濟南春好絕為小秦王調

一稍欣詩格與年進漸喜兒衣如我長袍袖春回

春草色茶甌豔發綠波光人間四十年鄉貢合與梅花論輩行

齋頭牡丹盛開戲疊前韻

若把牡丹方杜甫花中詩裏兩名王唱酬人日窮愁少終始春風富貴長

牡丹一春再花

檢點一年來草稿徘徊十步外花光彩毫豔奪胭脂色每句求工肯拙行

新歲示客

扶風馮翊久牽絲古帝王州極盛時燭武得君今老矣國僑為母眾安之星臨東井長相聚官愛南山雨不移多事得閒因歲首萬花暉麗錦堂詩

示吏

渾忘德怨了無私謗譽由人不自疑才有短長臨事見意存忠詐聽言知俗情免窟營何早國計羊牢補未遲我自不為田舍計底須二頃溷張儀

廣示吏詩意

解道多師是我師老懷平淡謝恢奇才情豐約生來定血氣盈虛睡後知用王最喜傷人憎學究每存新理廢名詞西儒未見吾狂耳相見當勝不見時
劉改之詞不恨古人吾不見恨古人不見吾狂耳

高齋

高齋書靜客來稀風裊香煙上戰枝眼界擴於觀海後名心淡到看雲時每防出話厄無當未害除官核不離才德了無精進處年來所得是頑癡

開歲五日東園舒眺

陶公游戲斜川日我亦熙怡畫省東牆脚暗苔留老雪庭心暄柳引芳風雲嵐往往生衣上花信番番在意中已是春頭仍臘尾送寒行策土牛功
十二日立春

同門周仲海別四十年不得消息頃有書來知以戊戌成進士尋補盱眙令以憂歸賦詩卻寄少年同學兩人奇四十餘年繞夢思猶記上頭有佳額
來書推獎甚至堪嗟北不識盱眙文章溧尉登科晚名字清臣到眼疑
君卿舉改名故通籍而余不知河有鯉魚衡有雁尺書往復寄新詩

馬日曉起大雪次韻

散花天女下華鬢玉壘東堂看假山裴令園林春尚澀袁安門戶晝常闔老農舉酒皆欣賀寒士無衣偶謗訕料得萬家同冷暖不應李令獨蕭閒
元微之詩千官暖熱李令閒謂李西平也

日暮又雪倒疊韻

北臺危酒可能開東郭寒人未足訕泥路馬蹄常滑滑竹間禽語自關關裝添春色瓊瑤樹激射斜陽紫白山階下兒童工學塑雪獅上面有花鬢

次受軒人日書懷韻

七日新年過人間未立春製燈象蓮女守戶有桃人賀雪書傳龍看雲
在秦盈庭盡嘉客何敢效顏

瞋

百種魚龍戲連枝富貴花笙歌皆樂府摘博亦兵家畫象仙人鹿

常觀察贈
竭鹿照片

陰功宰相蛇

是日接滬上
書以海州風

史求
助振多為吉祥語詩筆更妍華

賀摺春前返平祝

聖躬

摺并初五
日回快

雪從瑤島白雲捧袞衣紅時政王蕪霸臣心老尚童九州同暖熱

無盡是春風

同年三百輩交契兩人深菜把煩春翦花燈照夜吟酒添磅礴氣詩慰寂寥心魚樵此間樂無為思故

岑

梅

牆北一株梅凌寒數萼開雪隨殘臘盡香遂上春來得堦湖山樂生兒宰相才百花皆後輩還仗好風

催

有感

悠悠未是汝南評微覺桓公喜怒輕朱邑家鄉還此地藍田鼓吹是何般如公始稱才蕪望顧我安能
實副名渭曲白魚青竹子一竿煙水盡生平

改歲

改歲已過三十日老來襟袍覺閒寬英雄人每輕邊幅格律詩如養內丹家釀連成緣水短

酒有長水
短水之別

汪琬詩短
水具新

國花晚達為春寒清尊首置芳梅下萬紫千紅次第看

署齋春興

木筆初開日漸長香鑪畫省白徜徉學堂生草悔書帶倉吏裁花得米囊南畝雪泥三尺透西京燈事
半春忙西安常以二月賽燈掃清紫牘餅梅底領取橫枝自在香

二月朔艾卿學使枉過煮茶看畫清言竟晷

進退

東省春融接使星養新商舊互忘形十年種樹頭應白小雪煎茶眼倍明李郭暫同書畫舫憚王俱在
紫薇廳闌中桃李花如錦待取秋成貢玉京

出城

南陌春分氣漸和秦山老雪尚栽栽唐朝塔廟丹青落杜曲人煙柳杏多古塚誰開追悼會新苗已辦
速成科清朝小閱銀鎗隊細柳軍容不啻過

齋居用前韻

齋居二月已暄和紫牘何曾廢嘯歌冠帶束人行樂少鶯花滿眼得春多綠槐舊是中書省紅杏今非
進士科胸次蕭悽謝塵俗坐看雙鵲戲庭柯

花朝喜晴

準備芳辰薦壽杯南山佳氣入樓臺鵲如漆吏荒唐語花為三郎爛熳開甚欲挽留佳日住都曾經歷
苦寒來晚霞幽草皆顏色天意分明莫浪猜

池南

池南離落似山家寒退纔蘇百草芽五見春冬新舊雪雙收紅白異同花臨文作輟三投筆對客寒暄
一舉茶來徒朱欄常在晚牆頭山為夕陽佳

俳體酬午詒疊歌韻

莫漫騷壇議戰和新詩前後緩殺歌雪能豐麥原因在風為催花動力多馳道擬通西伯利行都此亦莫斯科百圍僑木參天起常願鶯還舊日柯

春日效俳體四首

捲簾含笑對東風世界於今亦秦鴻跳舞會宜變一足測量學要羽重瞳西京花鳥皆標本南畝人牛並苦工春物滿前任描畫名詞輸寫入詩中

紅紫嫣然滿舊京豈惟蜀越錦為城羣鶯演說花間事雙鶯磋磨水上盟楊柳以風為運動桃花何地不分明課詩那復論鐘點盡日清吟繞竹行

柳交花錯影重重仿佛西清聽鼓鐘風吹徒存名譽竹鶴心常有感情松蟻柯設郡籌邊計鼠穴無車看內容夢蝶遽遽春晝水黑甜鄉裏願移封

天機活潑世緣輕思想何曾間晦明夜有風潮羣鳥鬧春含靈氣百花生彈碁不樂中心點門茗常多後備兵成堦邇來惟坐嘯九天鸞鶴是同載

賦得女學堂十四韻

傳聞婦學盛東京興起支那女弟兄初六履霜陰象見東南出日牝雞鳴鉛黃自昔留污點釵弁於今要競爭絕國語言嬌乳燕大家講義嘯春鶯教之歌曲鸞爭舞畫以胭脂虎竟成標本室中花樣巧體操場上柳枝輕宮腰可似諸夷細天足纔堪萬里行樞實改良將問鼎蓮花進步即傾城天公電視應相笑織女星期任改名橫舍各安娘子位陸軍常備美人兵地球漸逐秋波轉天柱都將玉筍擎治外法權操女手自由婚嫁順人情號姨騎馬羞前輩韋母稱師畏後生成就國民四百兆中分一半是娥

英

父卿學使致梨花春二巵長句報謝

巷陌未見梨花雲，頭已熟梨花春。春寒驟暖酒性冽，三原市上多醉人。秦娥壓酒用唐法，甜和殊勝鳳州辣。蒲城桑落得秋清，頻陽石凍上口滑。未如此酒顏色嬌，淺淺鶯黃天下甲。輜軒使者今青蓮，斗酒能消詩百篇。釐致雙巵來，贈我麴車入門簷。龍喧泥封始拆三道印，清冷似酌中冷泉。君言酒中入香藥，飲多頭上青天旋。此如香冰宜冷飲，心目與酒同澄鮮。憶昨輶車過東省，微雪打窗呼煮餅。新豐濁醪盡一斗，人間酒不中尊飲。爾時若得梨花春，醉倒還夢梨花雲。詩成又近清明雪，把盞東欄一憶君。

二月廿九日東招省之仲錫戟傳倣南敬之裕堂雨濤過雙紅豆館試梨花春師愚大令適至遂

留共酌登前韻索諸公和

有酒莫送楊子雲，有錢莫買拋青春。

酒名

古文奇字已無用，青眼高歌猶有人。光祿何曾知釀法，御史亦

非蜀椒辣譏彈，不到西園宴。

暗用歐公事

語言自愛東方滑，今朝有酒具庖厨。料理茶丁和菜甲，唱歌休唱

相府蓮，尋樂當尋秋水篇。涇河小龍來不速，廣夫七客皆笑喧。五簋徐進蓮花鮓，百壺滿泛玻璃泉。九

州上腴地不小，諸君舞袖爭回旋。園叟摘果當及熟，宰夫烹魚當及鮮。此為有唐中書省新煮饌，頭非

畫餅

唐中書省新煮饌頭最可食

東坡昔已說平權，玉皇卑田可共飲。酌君一盞梨花春意氣，上薄高天雲梨花已

過青梅熟，操也請從劉使君。

三月初二日過課吏館局試竟日臘寒欲雪賦示館員

晝長閒試午甌茶，文戰當筵靜不譁。斗室春寒繙札記，

館吏皆呈口記

玉階昨雪打梨花。

朔日雪

謝公寢處仍山

澤非子縱橫是法家猶似當年依幕府西歸辰入了無差

午後轉晴盆中榆葉梅將開矣疊前韻

繞牆新樹碧於茶院靜曾無鳥雀譁芳草又消春後雪紅梅纔點葉中花陰晴難料天公意難落還如
野老家明日後蘭臨素滙風光未較永和差

上巳日菽帥問有詩無仍疊前韻

禁煙前已米頭茶勝日曲江鶯燕譁襖帖到今百回劫麗人映水兩枝花蘭闌風俗登詩史罨畫溪山
付畫家漫道謝公游屐懶風非已較向時差

菽帥病風新愈

兒輩踏青歸代書所見四疊茶韻

瓦甍初賣柳陰茶出郭村溪遠市譁水落鱸灘都似雪春深油菜未成花二年楚客分屯地
去秋遣戍屯軍官地

皆湘人領種

一線公羊在餅家村塾兒童枉占畢學堂分數已全差

追悼李亦元比部

帶草霜凋歲在蛇蘭摧玉折豈勝嗟鸞鳳縹緲知何在龍象雄鷲平力可拏無復商量新舊學更誰溝
合墨儒家三年懷袖東方札猶見江毫五色花

馬大令納姬仁甫目為墨牡丹大令今年六十古道照人因以筆公擬之亦強對也寫送次舫前輩

仁甫同年發笑不必寄馬

來抱食稠正及春緗桃結子杏生仁筆公白到鏡中髮墨牡丹為畫裏人好為雙荷營斗米
見東坡志林即看五桂繞靈椿周南處處生芳草若以何辭採擷頻

丙午寒食次舫前輩仁甫同年以東館落成招集於觀海堂即席賦謝